



**RAPORT  
MONITORIMI I SEKTORIT TË  
MJEDISIT NË KOMUNËN E  
KAMENICËS**

**2024**

**MAJ, 2025**



# **RAPORT MONITORIMI I SEKTORIT TË MJEDISIT NË KOMUNËN E KAMENICËS – 2024**

Autor dhe botues: EC Ma Ndryshe

Rr. Fehmi Lladrovci Nr. 67, Prizren,  
Rr. Xhemajl Mustafa 9/1 LL-4 Nr.7

[www.ecmandryshe.org](http://www.ecmandryshe.org)  
[info@ecmandryshe.org](mailto:info@ecmandryshe.org)

029 222 771

Maj, 2025

# PËRMBAJTJA :

## HYRJE

## GJETJET E RAPORTIT

- 1** Skema institucionale për planifikimin dhe menaxhimin mjedisor  
Statistikat Kryesore - 2024:
- 2** Korniza ligjore
- 3** Hartimi, harmonizimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit
- 4** Mbikëqyrja inspektive dhe raportimi mjedisor  
Raportet mjedisore në nivelin lokal
- 5** Krijimi, grumbullimi, menaxhimi i të dhënave dhe sistemit të menaxhimit të dhënave
- 6** Bashkëpunimi, koordinimi dhe pjesëmarrja publike
- 7** Licencimi dhe lejet mjedisore
- 8** PËRFUNDIME
- 9** REKOMANDIMET

# HYRJE

Ky raport është një përpjekje e re e strukturuar e shoqërisë civile për të adresuar e trajtuar përgjegjësitë e organeve kompetente të Qeverisë Lokale, përkatësisht përgjegjësitë e Komunave karshi 7 aspekteve mjedisore që rregullohen me kornizën ligjore të vendit.

Organet përgjegjëse për mbrojtjen e mjedisit janë të rregulluara në forma të ndryshme në Komunat e Kosovës. Disa nga komunat kanë drejtori të dedikuara për mbrojtjen e mjedisit, ndërsa disa kanë sektore në kuadër të drejtorive për planifikim apo zyrtarë përgjegjës për çështje mjedisore.

Metodologjia e ndjekur nga EC Ma Ndryshe për përpilimin e këtij raporti merr në konsideratë 12 ligje që adresojnë aspekte të ndryshme të mbrojtjes së mjedisit, si:

- Ligji nr.03/L-025 për mbrojtjen e mjedisit
- Ligji nr.03/L-233 për mbrojtjen e natyrës
- Ligji nr.03/L-160 për mbrojtjen e ajrit nga ndotja
- Ligji nr.2003\_3 për pyjet e Kosovës
- Ligji nr.04/L-147 për ujërat e Kosovës
- Ligji nr.04/L-060 për mbeturina
- Ligji nr.06/L-035 për veprimtaritë hidrometeorologjike
- Ligji nr.03/L-119 për produktet biocide dhe shtojcat
- Ligji nr.02/L-53 për gjuetinë
- Ligji nr.04/L-197 për kimikate
- Ligji nr.04/L-174 për planifikimin hapësinor
- Ligji nr.04/L-175 për inspektoratin e mjedisit, ujërave, natyrës, planifikimit hapësinor dhe ndërtimit.

Mbi këtë bazë përmbajtja e këtij raporti tenton që të mbulojë aspektet kryesore që legjislacioni në fuqi adreson, si:

- Skema institucionale për planifikimin dhe menaxhimin mjedisor
- Korniza ligjore
- Hartimi, harmonizimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit
- Mbikëqyrja inspektive dhe raportimi mjedisor
- Krijimi, grumbullimi, menaxhimi i të dhënave dhe sistemit të menaxhimit të dhënave
- Bashkëpunimi, koordinimi dhe pjesëmarrja publike
- Licencimi dhe lejet mjedisore

Gjetjet e këtij raporti në kapituj të caktuar kanë identifikuar mangësitë aktuale në sektorin e mjedisit, që kërkojnë vëmendje më të shtuar nga autoritetet komunale, me qëllim të përmirësimit të procesit të planifikimit dhe menaxhimit mjedisor. Gjithashtu ato janë validuar nga zyrtarët përkatës komunal, si pasqyrim i gjendjes reale në sektorin e mjedisit.

Në fund janë adresuar edhe disa rekomandime me qëllim të përmirësimeve dhe plotësimeve në proceset e planifikimit dhe menaxhimit mjedisor, drejt arritjes së rezultateve më të qëndrueshme në sektorin e mjedisit dhe mbrojtjen e resurseve natyrore.

## GJETJET E RAPORTIT

### Skema institucionale për planifikimin dhe menaxhimin mjedisor

Në Komunën e Kamenicës organi përgjegjës për planifikim dhe menaxhim mjedisor është Drejtoria Shërbimeve Publike, Ambientit dhe Inspektoriatit. Sipas deklaratave të zyrtarëve të DShPAI-së në kuadër të kësaj drejtorie funksionin sektori i menaxhimit të mbeturinave dhe mjedisit dhe se kanë të angazhuar vetëm një zyrtar mjedisor.

Organi komunal	A është themeluar?	Emri zyrtar	Fuqia aktuale punëtore
Drejtoria	Po	Drejtoria e Shërbimeve Publike, Ambientit dhe Inspektoriatit	7
Spektori	Po	Spektori i menaxhimit të mbeturinave dhe mjedisit	2
Zyrtarët	Po	Zyrtarë mjedisor	1
Drejtoria	Po	Drejtoria e Inspeksionit	/
Spektori	Jo	/	/
Zyrtarët		Inspektor mjedisor	1

Numri i angazhuar i shërbyesve civil në këtë drejtori thuhet se është i mjaftueshëm për kryerjen e detyrave të përcaktuara me kornizën ligjore dhe se ata kanë profilet e nevojshme profesionale për kryerjen e detyrave. Njëkohësisht përgaditja e tyre profesionale nga shkalla 1 (aspak) deri në 5 (shkëlqyeshëm) është vlerësuar me numrin 4.

DShPAI kanë bërë të ditur se gjatë vitit 2024 për punonjësit e këtij sektori janë organizuar trajnime rreth çështjeve mjedisore nga organizata të ndryshme ndërkombëtare në lidhje me këto tema:

- Menaxhimin e mbeturinave nga GIZ;
- Menaxhimi dhe trajtimi i ujërave të zeza.
- Ruajtja e biodiversitetit; dhe
- Menaxhimi i hapësirave publike.

Stafi i DShPAI gjatë vitit 2024 ka shfrytëzuar Udhëzuesin Administrativ të MMPHI -nr. 06/2018 për ndëshkimet me gjoba mandatore.

### **Statistikat Kryesore - 2024:**

Kategoritë	Numri
Numri i zyrtarëve të angazhuar në DShPAI	1
Trajnimet rreth kornizës ligjore	0
Trajnimet sipas fushës mjedisore	4
Udhëzues Profesional për Planifikimin dhe Menaxhimin Mjedisor	1

## **Korniza ligjore**

Metodologjia e EC-it, merr në konsideratë 12 ligje që adresojnë aspekte të ndryshme të mbrojtjes së mjedisit, të cekura më lartë.

Komuna e Kamenicës, përkatësisht DShPAI ka raportuar se mbështetet në këto dokumente ligjore:

1. Ligjin për Planifikim Hapësinor
2. Ligjin Nr. 03/L-25 për Mbrojtjen e Mjedisit
3. Ligjin Nr. 02/L-30 për Menaxhim të Mbeturinave
4. Ligjin 04/L-175 për Inspektim
5. Ligjin Nr. 03/L-024 për Vlerësimin e Ndikimit në Mjedis
6. Ligjin Nr. 03/L-015 për Vlerësimin Strategjik Mjedisor
7. Ligji Nr.02/L-102 Ligji për Mbrojtje nga Zhurma
8. Ligji Nr. 03/L-160 Ligji për Mbrojtjen e Ajrit nga Ndotja,
9. Ligjin Nr.04/ L-147 për Ujëra, etj.,

Ndërsa në kuadër të Udhëzimeve Administrative shfrytëzohen:

1. U.A Nr.01/2017 për Dhënien e Lejes Mjedisore Komunale,
2. U.A Nr. 06/2018 për Ndëshkimet me Gjoha Mandatore,

Zyrtarët e DShPAI të Komunës së Kamenicës kanë vlerësuar se korniza ligjore është mirë e konsoliduar dhe kanë vlerësuar me 4 njohuritë e stafit rreth kornizës ligjore (1/aspak - 5/shkëlqyeshëm).

## **Hartimi, harmonizimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit**

Gjatë vitit 2024 DShPAI kanë theksuar se si dokument për planifikim dhe menaxhim mjedisor kanë rregulloret komunale për mbrojtjen e mjedisit dhe në Planin Lokal të Veprimit në Mjedis i cili është në zhvillim e sipër.

Sa i përket harmonizimit të këtyre strategjive lokale me strategjitë qëndrore zyrtarët kanë treguar se ato janë të harmonizuara.

Ndërsa në lidhje me projektet dhe masat e ndërmarra për mbrojtjen e mjedisit kjo komunë ka raportuar vendosjen e kamerave në afërsi të deponive ilegale, mirëmbajtjen e parqeve, shesheve dhe hapësirave të gjelbra publike, pastrimi i lumit të qytetit dhe hapësirave tjera publike -

sipas kërkesës dhe realizimi i aksioneve të pastrimit dhe fushatave ndërgjegjësuere për mirëmbajtjen e ambientit në ditë të caktuara mjedisore.

### **Mbikëqyrja inspektive dhe raportimi mjedisor**

Zyrtarët e DShPAI kanë raportuar se kjo drejtori inspekton zbatimin e kornizës ligjore për mbrojtjen e mjedisit dhe harton raporte për monitorimin e strategjive mjedisore, si për shembull evidentimin vjetor të deponive ilegale. Gjendja e deponive të mbeturinave monitorohet në mënyrë sistematike, megjithëse nuk janë zhvilluar vlerësime të plota për ndikimin e tyre në mjedis - me përjashtim të katër deponive që pastrohen gjatë Ditës Ndërkombëtare të Tokës.

Janë identifikuar çrregullime mjedisore të shkaktuara nga individë apo subjekte juridike, përfshirë nxjerrjen e rërës pranë lumenjve dhe marrjen e dheut në hapësira malore. Gjithashtu, janë evidentuar raste të tejkalimit të eksploatimit të resurseve natyrore, si marrja e materialit rrethor në hapësira publike dhe pyje.

Gjatë vitit 2024 kjo komunë ka pasur një inspektor të angazhuar në sferën mjedisore i cili ka raportuar se ka inspektuar 152 raste.

### **Krijimi, grumbullimi, menaxhimi i të dhënave dhe sistemit të menaxhimit të dhënave**

Komuna e Kamenicës nuk posedon sistem të monitorimit të cilësisë së ajrit dhe aktualisht nuk ka asnjë stacion funksional për matjen e tij, ndaj nuk realizohet mbikëqyrje sistematike në këtë aspekt. Po ashtu, mungojnë edhe sistemet dhe stacionet për monitorimin e cilësisë së dheut dhe ujërave, si sipërfaqësore ashtu edhe nëntokësore, dhe si rrjedhojë nuk realizohet mbikëqyrje në intervale të rregullta kohore.

Komuna e Kamenicës nuk ka sistem të menaxhimit të të dhënave mjedisore dhe nuk posedon kapacitetet të nevojshme teknike për krijimin, grumbullimin dhe menaxhimin e të dhënave mjedisore.

### **Bashkëpunimi, koordinimi dhe pjesëmarrja publike**

Komuna e vlerëson mesatarisht bashkëpunimin me nivelin qendror në hartimin e akteve ligjore dhe nënligjore, duke përmendur si shembull bashkëpunimin me inspektorët mjedisorë, KPMM dhe MMPHI.

Bashkëpunimi për hartimin e strategjive mjedisore me nivelin qendror është vlerësuar mirë, me theks të veçantë te procesi i marrjes së lejeve ujore për fabrikat që prodhojnë dhe ambalazhojnë ujë të pijshëm. Edhe bashkëpunimi me organizatat joqeveritare për strategjitë mjedisore është vlerësuar pozitivisht, megjithëse nuk janë dhënë shembuj specifikë.

Komuna ka organizuar dëgjime publike me qytetarët dhe OJQ-të gjatë hartimit të dokumenteve të planifikimit dhe menaxhimit mjedisor. Pjesëmarrja publike në këto procese është vlerësuar mirë.

## **Licencimi dhe lejet mjedisore**

Sa i përket lejeve mjedisore në kuadër të DShPAI zyrtarët kanë raportuar se kanë lëshuar gjithsej 5 vendime për Leje Mjedisore Komunale, dhe se të hyrat nga këto leje mjedisore gjatë vitit 2024 kanë qenë 447.13 euro.

## **PËRFUNDIME**

Gjetjet e këtij raporti janë validuar nga zyrtarët përkatës komunalë, duke pohuar se ato pasqyrojnë gjendjen reale në sektorin e mjedisit, bashkë me mundësitë për të ngritur dhe përmirësuar çështjet mjedisore në këtë komunë.

Në Komunën e Kamenicës organi përgjegjës për planifikim dhe menaxhim mjedisor është Drejtoria Shërbimeve Publike, Ambientit dhe Inspektoriatit. Sipas deklaratave të zyrtarëve të DShPAI-së në kuadër të kësaj drejtorie funksionin sektori i menaxhimit të mbeturinave dhe mjedisit dhe se kanë të angazhuar vetëm një zyrtar mjedisor.

Korniza ligjore mjedisore është mirë e konsoliduar dhe njohuritë e stafit komunal rreth kornizës mjedisore janë të nivelit të mirë.

Shkalla e hartimit dhe zbatimit të politikave lokale për planifikimin dhe menaxhimin mjedisor mbetet problematik, për faktin se nuk ka organizim të mirëfilltë në këtë aspekt; përkatësisht, rrjedha aktuale e hartimit dhe zbatimit të dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit aktualisht e bën të vështirë matjen e efikasitetit të këtyre veprimeve në përmirësimin e gjendjes mjedisore.

DShPAI ka realizuar inspektime për zbatimin e kornizës ligjore për mbrojtjen e mjedisit dhe ka hartuar raporte për monitorimin e strategjive mjedisore, përfshirë evidentimin vjetor të deponive ilegale. Deponitë monitorohen në mënyrë sistematike, por nuk janë zhvilluar vlerësime të plota të ndikimit mjedisor – përveç katër deponive të pastruara gjatë Ditës Ndërkombëtare të Tokës. Janë identifikuar çrregullime mjedisore nga aktivitete të paligjshme dhe raste të tejkalimit të eksploatimit të resurseve natyrore. Gjatë vitit 2024, një inspektor i mjedisit ka trajtuar gjithsej 152 raste.

DShPAI në Komunën e Kamenicës nuk ka ndërtuar sistem të menaxhimit të të dhënave mjedisore, për shkak të mungesës së sektorit, mungesës së resurseve teknike dhe njerëzore për krijimin, grumbullimin dhe menaxhimin e të dhënave mjedisore.

Bashkëpunimi me nivelin qendror dhe OJQ-të është vlerësuar pozitivisht, veçanërisht në fushën e lejeve ujore dhe inspektimeve. Janë mbajtur dëgjime publike me qytetarë dhe OJQ, me pjesëmarrje të kënaqshme.

Sa i përket lejeve mjedisore në kuadër të DShPAI zyrtarët kanë raportuar se kanë lëshuar gjithsej 5 vendime për Leje Mjedisore Komunale, dhe se të hyrat nga këto leje mjedisore gjatë vitit 2024 kanë qenë 447.13 euro.

## **REKOMANDIMET**

- Të shqyrtohen mundësitë për shtimin e punonjësve profesionistë në DShPAI;
- Të organizohen më shumë trajnime për punonjësit e DShPAI rreth kornizës ligjore dhe rreth çështjeve mjedisore;
- Të përmirësohet dhe dinamizohet hartimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit;
- Planet e nivelit lokal për menaxhimin mjedisor të përditësohen, bashkë me fuqizimin e raportimit të zbatimit të tyre;
- Të rriten kapacitetet si dhe të shtohet mbikëqyrja inspektive dhe raportimi mjedisor;
- Të fillojë sa më shpejtë procesi i krijimit, grumbullimit, menaxhimit të të dhënave dhe sistemit të menaxhimit të dhënave mjedisore;
- Të avancohet bashkëpunimi nivel qendror – lokal në hartimin e akteve ligjore dhe strategjive mjedisore; dhe
- Të kultivohet bashkëpunimi më i afërt me OJQ-të për të nxitur rritjen e pjesëmarrjes së publikut në çështjet mjedisore;

## **Për EC:**

EC Ma Ndryshe është organizatë me bazë në komunitet, e themeluar në vitin 2006, që angazhohet për zhvillim të qëndrueshëm me qasje gjithëpërfshirëse.

Aktivizmi i EC-it synon një Kosovë ku qeverisja demokratike është pjesëmarrëse, transparente dhe llogaridhënëse, duke siguruar që institucionet, komunitetet dhe palët e interesit të punojnë së bashku drejt një zhvillimi të qëndrueshëm.

Ky vizion promovon vendimmarrjen gjithëpërfshirëse, politika më të fuqishme dhe përfshirje më të madhe të publikut, duke siguruar që qëndrueshmëria të jetë pjesë përbërëse e qeverisjes si në nivel lokal, ashtu edhe në atë kombëtar.

Përmes koordinimit më të mirë institucional, hartimit të politikave të bazuara në dëshmi dhe angazhimit qytetar, angazhimi i EC-së synon të kapërcejë hendekun mes komuniteteve dhe institucioneve, duke siguruar që qeverisja e mirë të sjellë ndryshime të prekshme dhe afatgjata.

## **Deklarata e vizionit**

“Fuqizimi i një Kosove elastike dhe gjithëpërfshirëse, ku komunitetet në mënyrë aktive formojnë institucione të qëndrueshme, të digjitalizuara dhe të ndërgjegjshme”.

## **Deklarata e misionit**

“EC Ma Ndryshe përkrah qeverisjen demokratike dhe zhvillimin e qëndrueshëm në Kosovë duke nxitur zhvillimin e qëndrueshëm socio-ekonomik, kulturor dhe të gjelbër përmes edukimit digjital, kujdestarisë mjedisore, mobilizimit të komuniteteve, avokimit për vendimmarrje publike me pjesëmarrje dhe kultivimit të partneriteteve strategjike”.